



UKA 2018/114

22/10-2018

Nivi Olsen

Uunga siunnersuut: Ilinniarnertuunngorniarfinni ilinniutit, ilinniarnepup ingerlanera, atortussallu allat Namminersorlutik Oqartussanik tapiiffigineqarluni pineqartartut ilinniarnertuunngorniarfinni siunertanut tapersersuisuunersut Naalakkersuisunit misissuiffigineqarnissaannik nalunaarusiorneqarnissaannillu inatsisartunut aalajangiiffigisassatut siunnersuut Nalunaarusiaq kingusinnerpaamik UKA2019-mi saqqummiunneqassaaq siunissamut isigisumik pitsaassutsimik qulakkeerinninnissamut innersuussinernik imaqassalluni.

(Siumup Inatsisartunut ilaasortai)

(Siullermeerneqarnera)

Pingaarteqarpoq suliat pilersitsiniarnerillu aallartitatta nalilersorneqartarnissaat. Ilisimasaqalersittarpaatigut aamma paasitittarpaatigut pitsaannerusumik torrallaanerullutaluunniit suliaqartarsinnaanersugut. Aamma paasitittarpaatigut aningaasat aalajangersimasunut aningaasaliissutigisartakkagut naapertuunnerpaamik atorineqarsimanersut.

Matumuunakkut siunnersuutikkut Siumup Inatsisartuni ilaasortaataasa misissortikkusuppaat nassuiaqqullugulu, atuakkat ilinniartitsissutit, atuartitsinerit allallu atortut ineriartortinneqartartut Namminersorlutik Oqartussat tapiissuteqarnerisigut iluaqutaanersut aamma ilinniarnertuunngorniartarnerup siunertaanut naapertuunnersut.

Tulluulluinnarpoq paasissallugu, kisianni periuseq siunnersuutigineqartoq Demokratini isumarput naapertorlugu oqimaappallaaqaaq allaffissorluni ingerlatsinerimut sammivallaaqaaq aamma Siumut allassimasaatut aamma pisortat allaffissornerata allinneranik kinguneqartussaavoq pisariaqarmat ilinniagartuumik nassuiaasiortitsinissaq.

Demokratini takusinnaavarput Naalakkersuisut allannguutissamik siunnersuuteqarsimasut tamannalu ajornaannerorpasippoq. Naatsorsuutigaarput Naalakkersuisut allannguutissatut siunnersuutaat Naalakkersuisoqarfiup maannakkut missingersuutaasa sulisuisalu iluanni piviusunngortinneqarsinnaasoq. Taamaangippat Ilinniartitaanermut Naalakkersuisoq qinnuigissavarput aningaasat qanoq amerlatigisut sulisulli qassit atorineqassanersut Naalakkersuisut allannguutissatut siunnersuutaat piviusunngortinniarlugu.

Taanna allallu apeqqutit Kulturimut, Ilinniartitaanermut, Ilisimatusarnermut Ilageeqarnermullu Ataatsimiititaliami oqallisiginissaannut qilanaarpugut sinnersuullu ataatsimiititaliamut tassunga innersuullugu. Peqataanik ataatsimiititaliamut kaammattuutigissavarput Naalakkersuisut allannguutissatut siunnersuutaat kisiameqassasoq.